

BOSNA I HERCEGOVINA  
Federacija Bosne i Hercegovine  
Tuzlanski kanton  
OPĆINA GRAČANICA  
OPĆINSKO VIJEĆA

Broj predmeta: 01-31-02441-2012  
Broj akta: 01EH-001  
Gračanica, 28. 06. 2012. godine

Na osnovu člana 8. stav 3. i člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 113. Zakona o prostornom uređenju i građenju TK („Službene novine TK“, broj: 06/11), člana 118. Odluke o vršenju komunalnih djelatnosti i komunalnom redu ("Službeni glasnik Općine Gračanica“, broj: 5/07, 8/09 i 12/10) i člana 16. Statuta općine Gračanice ("Službeni glasnik Općine Gračanica", broj: 4/09), Općinsko vijeće Gračanica na sjednici održanoj 28. 06. 2012. godine, d o n o s i

### **O D L U K U**

#### **o naknadi za postavljanje i popravak podzemnih i nadzemnih instalacija na javnim površinama u općini Gračanica**

#### **I - OSNOVNE ODREDBE**

##### **Član 1.**

Ovom odlukom utvrđuju se uslovi, način i visina naknade za postavljanje i popravak podzemnih i nadzemnih instalacija na javnim površinama: trotoara, trgova, ulica, parking prostora, parkova i drugih javnih površina (u daljem tekstu: javna površina), kao i na ostalom zemljištu na kojem Općina Gračanica ima pravo korištenja.

##### **Član 2.**

Pravna ili fizička lica koje radi ostvarivanja svojih poslovnih interesa imaju potrebe za postavljanjem i popravkom podzemnih i nadzemnih instalacija na javnim površinama obavezni su podnijeti zahtjev za izdavanje odobrenja za građenje nadležnom organu.

##### **Član 3.**

Pravno ili fizičko lice uz podneseni zahtjev za odobrenje za građenje dužno je pored dokumenata predviđenih članom 113. stav 2. Zakona o prostornom uređenju i građenju („Sl. novine TK“ br. 06/11) priložiti i Ugovor o visini naknade za postavljanje ili popravku podzemnih i nadzemnih instalacija i dokaz o uplaćenju naknadi.

##### **Član 4.**

Ugovor o visini naknade za postavljanje ili popravku podzemnih i nadzemnih instalacija i dokaz o uplaćenju naknadi uključuje investitor i Načelnik u ime Općine Gračanica.

Ugovor iz stava 1. ovog člana obavezno sadrži:

1. visinu godišnje naknade za postavljanje i popravak instalacija,
2. način uplate naknade,
3. vrijeme u kojem će se radovi obavljati (ako se radovi obavljaju na saobraćajnoj površini),
4. rok završetka svih radova,
5. rok u kojem se mora ukloniti preostali materijal,
6. rok u kojem se mora javna površina dovesti u prvobitno stanje,
7. rok o izvršenju konačne uplane instalacija,
8. drugi uslovi u ovisnosti o javnoj površini i njenoj specifičnoj namjeni.

##### **Član 5.**

Visina godišnje naknade kao obavezni sastojak ugovora utvrđuje se po zonama i to kako slijedi:

- I-V zone građevinskog zemljišta 2 KM/m,

- VI zona 1 KM/m,
- Na ostalom zemljištu visina naknade iznosi 0,1 KM/m.

Za primarne vodove naknada se plaća u iznosu od 2 KM/m bez obzira na zonu gradnje. Naknada za prokopanu javnu površinu iznosi 10 KM/m prokopane neasfaltirane javne površine i 25 KM/m asfaltirane javne površine i ista se plaća jednokratno.

Član 6.

Ugovor se zaključuje na period od 5 godina s mogućnošću obnavljanja s tim da se naknada za svaku narednu godinu mora izmiriti najkasnije do 31.12. tekuće godine.

Član 7.

Nadzor i provođenje ove Odluke vršiti će Služba za prostorno uređenje, geodetske i imovinsko-pravne poslove i Služba za poduzetništvo, lokalni razvoj i finansije, svaka u okviru svoje nadležnosti.

Inspeksijski nadzor nad sprovođenjem ove odluke vrši komunalna i građevinska inspekcija.

## **II - PRIJELAZNE I ZAVRŠNE ODREDBE**

Član 8.

Ova Odluka se primjenjuje i za ranije postavljene instalacije za koje investitor ne posjeduje ugovor.

Investitor koji nema zaključen ugovor se obavezuje da najdalje u roku od 1 godine izvrši prijavu i uplanjenje nadzemnih i podzemnih instalacija i sklope Ugovor o korištenju istih. U suprotnom se smatra da one instalacije koje nisu uplanjenje ne postoje na terenu i neće se ni uzeti u obzir prilikom izrade prostorno-planske dokumentacije, niti će biti tretirane kao postojeće prilikom izdavanja odobrenja za građenje na tom lokalitetu.

## **III - KAZNENE ODREDBE**

Član 9.

Novčanom kaznom u iznosu od 300,00 do 6.000,00 KM kazniti će se za prekršaj pravno lice ako postavi instalacije, bez zaključenog ugovora, ili u roku iz člana 8. ne izvrši prijavu i uplanjenje nadzemnih i podzemnih instalacija i ne sklopi Ugovor o korištenju istih, a fizičko lice kaznom od 100,00 do 1.0000,00 KM.

Član 10.

Ova Odluka stupa na snagu danom objavljivanja u «Službenom glasniku Općine Gračanica».

PREDSJEDAVAJUĆI  
OPĆINSKOG VIJEĆA  
Edin Ibrišević, s.r.